

գամայն, գրեցին առ Պատրիարքն և առ գլխաւորս ազգին 'ի Կոստանդինուպօլիս ամենայն ինչ որ միանգամ դործեցաւ յերուսաղէմ, և խնդրեցին դարմանել զիրսն . և նոքա գրեալ ծանուցին 'ի Դուռն, և խնդրեցին վերստին հրովարտակաւ հաստատել զայն ամենայն, զոր ետուն եղծանել Յոյնք :

Իսկ մեծ Եպարքոսն զարմացեալ 'ի վերայ այսր, խընդրեաց զարձանագրութիւնս Կայսերական դիւանին, և եգիտ անդ զամենայն ինչ կարգադրեալ ըստ Շէրիի օրինաց և հրովարտակաւ Արքայի առաջի Բիզելիսի, Դատաւորին և բաղմութեան այլազգեաց քաղաքին և վերատեսուչ Նէպի Էֆէնտեայ, և այլ ամենայն ինչ ընդարձակ և բացայայտ գրեալ էին անդ, սակայն բողոքադիր Պատրիարքին Հայոց, և տեղեկադիր Նէպի Էֆէնտեայ, զոր մատոյց Եպարքոսին 'ի վերագարձին իւրում, զհակառակ նորին յայտ առնէին . զի տակաւին նոյն հրամանաւ արգելեալ կային ամենայն ինչ : Ուստի հարկ եղեւ Եպարքոսին վերըստին գրել առ Բիզելին Երուսաղէմի Մէհէմէտ Փաշա և տեղեկութիւն խնդրել 'ի նմանէ . « Ո՞յր աղագաւ է ասէ պատահմունք իբացդ, և ո՞րպիսի իրք սքանչելիք և զարմանալիք դիպեցան, որ հրովարտակաւ Արքայի և օրինօք Շէրիի առաջի բաղմութեան այլազգեաց կարգադրեալ խնդիրն՝ յանկարծ այսպէս մի միայն հրամանաւ Կուսակալին Սիդոնի դադարեալ խափանեցաւ, և Յոյնք վերըստին բռնացեալ 'ի վերայ իրաւանցն Հայոց՝ կախեցին զխափանեալ կանթեզս, և զայլ իրս որք ոչ էին յառաջ ժամանակաւ . զայստիկ ամենայն պարագայիւք քննեալ և ստուգեալ 'ի հաւատարիմ արանց գրովք Դատաւորին եւ ձեր փութանակի ծանուցիւք մեզ » . 'ի Հ Մուհարրէմ . 1777 : (Բաւֆ) :

Ի ժամանակս նորոգութեան եկեղեցւոյն Բեթղեհէմի Յոյնք խցին զերկոց խողովակս ջրոցն որ իջանէր 'ի տանեաց անտի 'ի Վանս Հայոց, ուր վասն այնր Մարկոս Եպիսկոպոս Քիլիցի շինեալ էր ջրամբարս Զաքարիա եւ Մատթէոս Պատրիարգունք ծանուցին 'ի Դուռն եւ խնդրեցին բանալ զխողովակսն ըստ առաջնոյն, և զի ոչ գտաւ յարձանադիրս Դիւանին վասն այնր, թէպէտեւ հարցեալ ըս-